

下焦篇

風溫溫熱溫疫溫毒冬溫

暑溫伏暑寒濕濕溫

溫瘧秋燥

曉堂

瘧痢痘瘡

雜說

溫病條辨 卷三四

溫病條辨卷三

興化江 埇澤之

淮陰吳鞠通先生著

後學高郵趙履鼇海仙重刊

歙縣吳良憲成齋

下焦篇

風溫、溫毒

溫熱、冬溫

溫疫

●風溫溫熱溫疫溫毒冬溫邪在陽明久羈或已下或

未下身熱面赤口乾舌燥甚則齒黑唇裂脉沉實者仍

可下之脉虛大手足心熱甚於手足背者加減復脉湯

主之。

溫邪久羈中焦陽明陽上未有不克少陰癸水者或已下而陰傷或未下而陰竭若實證居多正氣未至潰敗脈來沉實有力尚可假手於一下卽傷寒論中急下以存津液之謂若中無結糞邪熱少而虛熱多其人脈必虛手足心主裏其熱必甚於手足背之主表也若再下其熱是竭其津而速之死也故以復脈湯復其津液陰復則陽留庶可不至於死也去參桂薑棗之補陽加白芍收三陰之陰故云加減復脈湯在仲景當日治傷於寒者之結代自有取於參桂薑棗復脈中之陽今治傷於溫者之陽亢陰竭不得再補其陽也用古法而不拘用古方醫者之化裁也

溫病誤表津液被劫心中震震舌強神昏宜復脈法。

復其津液。舌上津回。則生。汗自出。中無所主者。救逆湯

主之。

誤表動陽。心氣傷。則心震。心液傷。則舌蹇。故宜復脈。復其津液也。若傷之太甚。陰陽有脫離之象。復脈亦不勝任。則非救逆不可。

③溫病耳聾。病係少陰。與柴胡湯者。必死。六七日以後。宜復脈。輩復其精。

溫病無三陽經證。却有陽明腑證。中焦篇已申明。腑證之由矣。三陰臟證。蓋臟者藏也。藏精者也。溫病最善傷精。三陰實當其衝。如陽明結。則脾陰傷而不行。脾胃臟腑切近相連。夫累及妻。理固然也。有急下以

存津液一法。土實則水虛。浸假而累及少陰矣。耳聾不臥等證是也。水虛則木強。浸假而累及厥陰矣。曰閉。瘞厥等證是也。此由上及下。由陽入陰之道。路學者不可不知。按溫病耳聾。靈素稱其必死。豈少陽耳聾。竟至於死耶。經謂腎開竅於耳。脫精者耳聾。蓋初則陽火上閉。陰精不得上承。清竅不通。繼則陽亢陰竭。若再以小柴胡湯直升少陽。其勢必至下竭上厥。不死何待。何時醫悉以陶氏六書統治四時一切病證。而不究心於靈素難經也哉。塘於溫病六七日以外。壯火少減。陰火內熾。耳聾者。悉以復陰得效。曰宜復脈。輩者。不過立法如此。臨時對證加減盡善。是所望於當其任者。

四 勞倦內傷復感溫病六七日以外不解者宜復脈法

此兩感治法也。甘能益氣。凡甘皆補。故宜復脈。服二三帖後身不熱而倦。其仍加入參。

五 溫病已汗而不得汗。已下而熱不退六七日以外脈
尚躁盛者。重與復脈湯。

已與發汗而不得汗。已與通裏而熱不除。其爲汗下
不當可知。脈尚躁盛。邪固不爲藥衰。正氣亦尙能與
邪氣分爭。故須重與復脈。
扶正以敵邪。正勝則生矣。

六 溫病誤用升散。脈結代。甚則脈兩至者。重與復脈。雖
有他證。後治之。

此留人治病法也。卽仲
景裏急急當救裏之義。

七 汗下後。口燥咽乾。神倦欲眠。舌赤苔老。與復脈湯。

在中焦下後與益胃湯復胃中津液以邪氣未曾深入下焦苔口燥咽乾乃少陰之液無以上供補腎欲眠有少陰但欲寐之象故與復脈

八熱邪深入或在少陰或在厥陰均宜復脈

此言復脈為熱邪却陰之總司也蓋少陰藏精厥陰必待少陰精足而後能生二經均可主以復脈者乙癸同源也

加減復脈湯方 甘潤存津法

炙甘草 六錢

乾地黄

六錢○按地黃三種用法生地者鮮地黃未晒乾者也可

入藥煮取可取汁用其性日涼上中焦用以退熱存津乾地黃者乃生地晒乾已為丙火煉過去其寒涼

之性本草稱其甘平熟地製以酒蒸砂仁九蒸九晒而成是又以丙火丁火合煉之也故其性甘平今人悉以乾地黄為生地而曰寒涼指鹿為馬不可不辨謂乾地黄為生地而曰寒涼指鹿為馬不可不辨
生白芍 六錢 麥冬 五錢 不去心 阿膠 三錢 麻仁 三錢
○按柯韻伯謂舊傳麻仁者誤當係棗仁彼從心悸動三字中看出傳寫之誤不為無見今治溫熱有取於麻仁甘益氣潤去燥故仍從麻仁

水八杯煮取八分三杯分三次服劇者加甘草至二兩
地黄白芍八錢麥冬七錢日三夜一服

救逆湯方 鎮攝法

溫病條辨 下焦篇卷三

卽於加減復脈湯內去麻仁加生龍骨四錢生牡蠣八錢煎如復脈法。脈虛大欲散者。加人參二錢。

九下後大便溏甚。周十二時三四行。脈仍數者。未可與復脈湯。一甲煎主之。服一二日。大便不溏者。可與一甲復脈湯。

下後法當數日不大便令反溏而頻數非其人眞陽素虛卽下之不得其道有亡陰之慮若以復脈滑潤是以存陰之品反爲瀉陰之用故以牡蠣一味單用則力大旣能存陰又溼大便且清在裏之餘熱一物而三

一甲煎鹹寒兼瀝法

生牡蠣二兩 碾細

水八杯煮取三杯分溫三服。

一甲復脈湯方

卽於加減復脈湯內去麻仁加牡蠣一兩加減復脈湯見前第三頁

十 下焦溫病。但大便溏者。卽與一甲復脈湯。

溫病深入下焦劫陰。必以救陰爲急務。然救陰之藥多滑瀉。但見大便溏。不必待日三四行。卽以一甲復脈法復陰之中。預防泄陰之弊。

①少陰溫病真陰欲竭壯火復熾心中煩不得臥者黃

連阿膠湯主之

按前復脈法為邪少虛多之治其有陰既虧而實邪正盛甘草即不合拍心中煩陽邪挾心陽獨亢於上心體之陰無容留之地故煩雜無奈不得臥陽亢不入於陰陰虛不受陽納雖欲臥得乎此語陰陽各自為道不相交互去死不遠故以黃芩從黃連外瀉壯火而內堅真陰以芍藥從阿膠內護真陰而外打亢陽名黃連阿膠湯者取一剛以禦外侮一柔以護內主之義也其交關變化神明不測之妙全在一雞子黃前人訓雞子黃錢謂雞為巽木得心之母氣色赤人心虛則補母而已理雖至當必未盡其妙蓋雞子黃有地球之象為血肉有情生生不已乃奠安中焦之聖品有甘草之功能而靈於甘草其正中有孔故

不知陰陽相
抱之理亦不
知傷寒必當
救陽溫病必
當救陰之妙

能上通心氣下達腎氣居中以達兩頭有蓮子之妙
用其性和平能使亢者不爭弱者得振其氣焦臭故
上補心其味甘鹹故下補腎再釋家有地水風火之
喻此證大風一起蕩然無餘雞子黃鎮定中焦通微
上下合阿膠能預熄內風之震動也然不知人身陰
陽相抱之義必求能識仲景用雞子黃之妙謹將人
身陰陽生死寤寐圖形開列
於後以便學者入道有階也

陽




陰
寤




陰出於

陽則寤

寐



陽入於




陽從



上脫

陰從

陰陽



下脫



交脫

黃連阿膠湯方

苦甘鹹寒法

黃連

四錢、

黃芩

一錢、

阿膠

三錢、

白芍

一錢、

雞子黃

二枚、

水八杯先煮三物取三杯去滓內膠烺盡再內雞子黃

攪令相得日三服

徵按此金匱治傷寒少陰病二三日以上心煩不得臥之祖方也二三日以上寒變熱之時也少陰多寐

以傳經之陽邪灼陰故不得臥與少陰溫病確乎相
合陽亢不入於陰陰虛不受陽納二語雖倡自葉氏
然亦自經文衛氣留於陽則陽氣滿不得入於陰則
陰氣虛故曰不瞑而來可爲一切不寐之總綱他如
濕痰留於胃腑不寐內經則有半夏湯以通其陽其
方則以干里外之流水揚萬遍取五升炊以葦薪沸
則秫米一升半夏五合炊至升半去渣飲汁一小杯
日三服以知爲度虛煩不眠仲祖則有酸棗仁湯以
和其陰方用棗仁二升知母茯苓川芎各二兩甘草
一兩以水八升煮酸棗仁得六升內諸藥煮取三升
分溫三服又如瞻虛不寐本事方有鼈甲丸鼈甲棗
仁羌活牛膝五味參芪各等分細末蜜丸桐子大每
用溫酒服三四十九丸痰熱不眠集驗方有溫膽湯橘
紅半夏茯苓甘草枳實竹茹振悸不眠半夏陳皮甘
草炙黃芪茯苓竹茹虛勞不寐棗仁二兩碾末同半夏
二合煮漿入地黃汁一合再煮時時與服六一散加

牛黃治煩躁不眠竹葉湯調服炒棗仁末治脾虛不
眠之類條例甚多總不出乎安胃和中俾陽明之氣
順則陰陽之道
路可通而已矣

七 夜熱早涼熱退無汗熱自陰來者青蒿鱉甲主之

夜行陰分而熱日行陽分而涼邪氣深伏陰分可知
熱退無汗邪不出表而仍歸陰分更可知矣故曰熱
自陰分而來非上中焦之陽熱也邪氣深伏陰分混
處氣血之中不能純用養陰又非壯火更不得任用
苦燥故以鱉甲蟄動之物入肝經至陰之分既能養
陰又能入絡搜邪以青蒿芳香透絡從小陽領邪外
出細生地清陰絡之熱丹皮瀉血中之伏火知母者
知病之母也佐鱉甲青蒿而成搜剔之功焉再此方
有先入後出之妙青蒿不能直入陰分有鱉甲領
之入也鱉甲不能獨出陽分有青蒿領之出也

青蒿鱉甲湯方

辛涼合甘寒法

青蒿 二錢

鱉甲 五錢

細生地 四錢

知母 二錢

丹皮 三錢

水五杯。煮取二杯。日再服。

③熱邪深入下焦。脉沉數。舌乾齒黑。手指但覺蠕動急。

防瘥厥。二甲復脉湯主之。

此示人瘥厥之漸也。溫病七八日以後。熱深不解。口中津液乾涸。但覺手指掣動。即當防其瘥厥。不必俟其已厥而後治也。故以復脉育陰。入介屬。潛陽使陰陽交紐。庶厥可不作也。

膽

二甲復脈湯方
鹹寒甘潤法○加減復脈湯見前第二

即於加減復脈湯內加生牡蠣五錢生鱉甲八錢

④下焦溫病熱深厥甚脈細促心中憺憺大動甚則心中痛者三甲復脈湯主之

心動頭水
停心下者相
反心爲丁火
所惡者客火
而所害者真
水故心與腎
至少陰也
則水氣上

前二甲復脈防瘕嗽之漸卽瘕厥已作亦可以二甲復脈止厥茲又加龜板名三甲者以心中大動甚則痛而然也心中動者火以水爲體肝風鳴張立刻有吸盡西江之勢腎水本虛不能濟肝而後發瘕既瘕而水難猝補心之本體欲失故憺憺然而大動也甚則痛者陰維爲病主心痛此證熱久傷陰入脈麗於肝腎肝腎虛而累及陰維故心痛非如寒氣客於心胸之心痛可用溫通故以鎮腎氣補任脈通陰維之